

Gitio kuri Ngurara ya Guoko kwa urio

We Yesu wakwa Mwambe mwende ma, * ni ngutia na hinya na gitio, * hamwe na Maria Mutheru, * na Araika othe na Athure othe a Ikenero, * Ngurara yaku theru ma ya Guoko kwa urio. Ndina ngatho nene ni undu wa rwendo rwaku * ruria wendire narwo guthina na kuigwa maruo na kieha kiingi * ni undu wa kuriha mawihia makwa * maria ndekire, na ngoro yothe. * Ni nguhoya wega waku wa uhotani iguru ria Kanitha yaku, * na ni undu wa ariu ayo aria merekeire njira-ini ya uthure makihingia mawathi maku.

Baba witu... Ni ngukugeithia Maria...

Arokumio Ithe na Mwana...

Gitio kuri Ngurara ya Guoko kwa umotho

We Yesu wakwa Mwambe mwende ma, * ni ngutia na hinya na gitio, * hamwe na Maria Mutheru * na Araika othe na Athure a Ikenero, * Ngurara yaku theru ma ya Guoko kwa umotho, na ni nguhoya wega waku ni undu wa ehia, na ni undu wa aria marakwa, * makiria aria matari na wendi wa kuiguana na We.

Baba witu... Ni ngukugeithia Maria...

Arokumio Ithe na Mwana...

Gitio kuri Ngurara ya Ikinya ria urio

We Yesu wakwa mwende ma, * ni ngutia na hinya na gitio, * hamwe na Maria Mutheru, * na Araika othe na Athure othe a Ikenero, * Ngurara yaku



YESU, UTUIGWIRE THA!

theru ma ya Ikinya ria urio. Ni nguhoya wega waku iguru ria Abatiri othe na andu aria magwitegeire monanie mahua maingi ma uthingu.

Baba witu... Ni ngukugeithia Maria...

Arokumio Ithe na Mwana...

Gitio kuri Ngurara ya Ikinya ria umotho

We Yesu wakwa Mwambe mwende ma, * ni ngutia na hinya na gitio, * hamwe na Maria Mutheru ma, * na Araika othe na Athure othe a Ikenero, * Ngurara yaku theru ma ya Ikinya ria umotho, * Ni nguhoya wega waku ni undu wa uhuruki wa mioyo mitheru ya Irihiro, * makiria iria yari na gitio kinene kuri Ngurara ciaku theru.

Baba witu... Ni ngukugeithia Maria...

Arokumio Ithe na Mwana...

Gitio kuri Ngurara ya Kibaru githeru kia Yesu

We Yesu wakwa Mwambe mwende ma, * ni ngutia na hinya na gitio, * hamwe na Maria Mutheru ma * Ngurara ya kibaru giaku githeru ma, * na ni nguhoya urathime andu othe aria mekwaria wega iguru ria gitio giki giaku, * na umahe kiria megukuhoya.

Baba witu... Ni ngukugeithia Maria...

Arokumio Ithe na Mwana...

γ. *Thingi njiure ni maruo maingi ma.*

β. *Utuhore (maita matatu).*

Yesu Mwambe, * ikira mahoya maya hinya na mawega ma mathinio maku; * he utheru wa uturo, na wega wa kwamukira Sakramenti theru ihinda ria gukwa, * na ukumio utathiraga wa minoi na mindi.

Riohera ria matuku 300 o ihinda riothe na riohera igima o mweri.

Kykuu

Gitio kuri Yesu Mwambe

Mahoya maya ma gitio kuri Yesu Mwambe mandikitwa na magatambio ni Rev. Father Leopold Maria Musso wa Minors akwira mweri 27-1-1922 thiini wa Turin ni undu wa uthuru. We mwene, 1915, ni anengerire Brothers a Christian Schools gitio giki, niguo na uteithia wa aruniriri a Utambia wa Kirira a Ngwataniro ya Mutharaba Muthuru ma na ya Maria Muthuru Thingi mahote gugitambia thiini wa thi yothe.

Mworoto wa gitio giki

1 Ni undu wa irihi ria mawu maingi maria matumaga Yesu Kristu athine kuma kuri wagi wa gitio, aria maragia uru iguru ria Ngai na aria matari ngatho, aria matendaga Yesu amenywo thiini wa thukuru, thiini wa mihiriga, na thiini wa ngwataniro.

2. Gukiria thiini wa ngoro witigiri munene na uthuri wa wihia na rwendo rwa Mwathani witu Yesu Kristu na wendi wa kumwamukira kaingi thiini wa Sakramenti ya Eukaristia.

3. Kugia na utuuro wa ukristu thiini wa micii, ugi mweka thiini wa andu ethi na thiini wa ugaruruki wa ehia na aria matetikagia.

Uria kiagiciirwo gwikwo

Guikara mundu aturitie maru mbere ya muhwanire wa Yesu Mwambe ni undu wa gutia na gitio ngurara ciake ithano na kuhoya ukiririria wa mawihia ma mundu na ma aria angi na kuga mahoya maya marumiriire:

- Y. Ngai uka undangire.
- B. Mwathani hiiha undeithie.
- Y. Arokumio Ithe na Mwana . . .

Moohera

Andu a Ngwataniro ya Atambia a "Gitio kuri Yesu Mwambe" o hamwe na Ateithiriria na Andu a Kiungano ni magayaga:

a) mawega ma muoyo maria mekagwo ni Brothers a Christian Schools na andu a Ngwataniro ya Atambia a "Gitio kuri Yesu Mwambe";

b) hindi ya utuuro wao na thutha wa gukwa, ni manyitaga mawega mothe ma "Franciscan Order a Friars Minor";

c) thiini wa utuuro na thutha wa gukwa, ni magayaga Ngwataniro mwanya ya mawega ma muoyo na mawega ma Atungati a Maria Muthuru;

d) ni magayaga mawega mothe mahetwo Kiungano gia Ikinyiria Ritheru ma ria Maria, gitongoretio ni R.R. F.F. Ajesuit a Roma;

e) mawega mothe mahetwo Andu a Kiungano kia Muthure John Bosco, (Salesians).

Ngwataniro ni iheanaga na gitio turatathi twandike mahoya ma "Gitio kuri Yesu Mwambe" na magatumira aria metagia kuma: Via delle Rosine 14 - Torino - Italia.

Kiratbimo kia Baba Muthuru

Ni turahoya Mwathani arekie mawega make iguru ria Mutongoria na andu a Ngwataniro ya Mutharaba Muthuru wa Yesu, na mawatho ma Kanitha yambiriirio kuringana na watho Turin, tondu Fathers na mugambo na kigerekano, o hamwe na akristu aya angi na uthuru wa utuuro, ni mangiamba 'Kuhunjia uhoro wa Yesu Kristu uria Mwambe'.

Kuma Vatican, 18-1-1915.

BENEDICTUS P.P. XY.

Nihil obstat - Nyeri 9-8-1964

Fr. A. Mathenge, Revisor

Imprimatur - Nyeri 10-8-1964

† C. M. CAVALLERA, Episcopus.

Ngwataniro ya Atambia a Kirira a Mutharaba Muthuru-ma na a Maria Imakulata, yambiriirie Turin, Nyumba-ini ya Brothers a Christian Schools, na mawatho ma Muskabu ma mweri 9-5-1914, na ikiigwo rungu rwa Muikaria munene ti H. L. Rev. Mons. Angelo Bartolomasi, ni Kiungano kinene kiri na gitumi gia gukiria thiini wa Agatoriki, na muno thiini wa aria ethi muoyo mweka wa Mukristu na wihariria thiini wa Kirira na kio githeru.

Ngwataniro ibingitio ni andu a mithemba itatu: **Atambia, Ateithiriria, Andu a Kiungano.**

ATAMBIA.- Aya ni aruniriri mari na ugi mwanya marutanaga Kirira kia Yesu Kristu. Ni magiaga na micemano na mithenya ya gwikenia, na makagia na mawatho mwanya.

ATEITHIRIRIA.- Aya ni Etikia maneanaga maritwa mao kuri Ngwataniro na mateithagia wira wa Atambia magika weka thiini wa kuhingia maundu maya:

1. Kugeria o muthenya kuhingia "Gitio kuri Yesu Mwambe", na kuruta wira na kio wa gutambia gitio giki.

2. Kwamukira Yesu thiini wa Sakramenti ya Eukaristia ona ari rita rimwe mweri.

3. Guthii micemano-ini kungihoteka na maundu-ini maria matuitwo ni mwene Giti.

ANDU A KIUNGANO.- Aya ni Etikia aria maneanaga maritwa mao kuri Ngwataniro na mageragia o muthenya kuhingia "Gitio kuri Yesu Mwambe".

Ni undu wa kwamukirwo ta Ateithiriria kana ta Andu a Kiungano oi kubataire gutumira Mutongoria marua na wandike ritwa riaku na address na uge kana wi mutumia kana mundurume, na uge kana ukwenda gutuika Muteithiriria kana Mundu wa Kiungano.